

楞伽阿跋多羅寶經義疏（四）


《楞伽阿跋多羅寶經》卷第二義疏上

——《一切佛語心品之二》——

天竺·求那跋陀羅三藏 譯經

明·蕩益大師 疏義


○第五如來藏自性清淨門二



△初舉佛語

爾時大慧菩薩摩訶薩白佛言。世尊。世尊修多羅說。如來藏自性清淨。轉三十二相。入於一切眾生身中。(轉。二皆作具。入。二皆作在。)如大價寶。垢衣所纏。如來之藏。常住不變。亦復如是。而陰界入垢衣所纏。貪慾恚痴不實妄想塵勞所污。一切諸佛之所演說。


疏



△二疑同外

云何世尊。同外道說我。言有如來藏耶。世尊。外道亦說有常作者。離於求那。周徧不滅。(魏云。不依諸緣。自然而有。周徧不滅。○唐云。自在無滅)世尊。彼說有我(魏云。若如是者。如來外道說無差別。)

疏



○二答釋二

初直明不同
二釋其說意

△初直明不同

佛告大慧。我說如來藏。不同外道所說之我。

○二釋其說意三

初正明說意
二引譬釋成
三結成利益

△初正明說意

大慧。有時說空。無相。無願。如實際。法性。法身。涅槃。離自性。不生不滅。本來寂靜。自性涅槃。如是等句說如來藏已。如來應供等正覺。為斷愚夫畏無我句故。說離妄想無所有境界如來藏門。大慧。未來現在菩薩摩訶薩。不應作我見計著。

疏


如來藏第一義心

蕩無一物。故說為空
非生死涅槃等相。故說無相
無可攀求。故說無願
非諸變動虛幻境界。故說為如實際
諸法之本。故名法性

疏

△二引譬釋成

譬如陶家。於一泥聚。以人工水木輪繩方便。作種種器。如來亦復如是。於法無我離一切妄想相。以種種智慧善巧方便。或說如來藏。或說無我。以是因緣故。說如來藏。不同外道所說之我。



泥聚無性

隨諸方便作種種器

無非泥聚

而種種器

法無我如來藏

離一切妄想相故。亦復無性

隨諸方便

說種種名

而種種名

皆法無我如來之藏

豈同外道所說之我

或人
或相續
乃至或自在
等耶

○三結成利益二

二偈頌

初長文

△初長文

是名說如來藏。開引計我諸外道故。說如來藏。令離不實我見妄想。入三解脫門境界。希望疾得阿耨多羅三藐三菩提。是故如來應供等正覺。作如是說如來之藏。若不如是。則同外道。是故大慧。為離外道見故。當依無我如來之藏。

疏

正為外道妄計

法我

人我

故說如來藏以開悟而引導之

令離不實二種我見妄想
令入空無相無願三解脫門
令其即得無上菩提

若不如是方便善說。則
 一向說有
 一向說空
 反同於外道矣

是故應知
 佛所說如來藏。正是二無我之所顯

而佛所說
 二無我
 離妄想境界
 乃名為如來藏耳

△二偈頌

爾時世尊。欲重宣此義而說偈言。人相續陰。緣與微塵。勝自在作者。心量妄想。(唐云。士夫相續蘊。眾緣及微塵。勝自在作者。此但心分別。)

疏


此重破
 外道所計二我
 皆惟妄想分別
 不同佛說如來藏也

人。即士夫
 相續。即壽命
 陰。即眾生
 皆是人我執也

緣。謂四大虛空及時方等
 微塵可知
 勝即冥初自性
 自在。即大自在天
 謂彼等
 為能作者
 體實徧常
 皆是法我執也

此
 人我法我二執
 皆是妄想分別
 不達自心現量如來藏也

「第五如來藏自性清淨門」竟





△初問

爾時大慧菩薩摩訶薩。觀未來眾生。復請世尊。惟願為說修行無間。(魏云。如實修行法。○唐云。具修行法)如諸菩薩摩訶薩修行者大方便。


疏

前最為離外道見故。當依無我如來之藏



△初標


佛告大慧。菩薩摩訶薩成就四法。得修行者大方便。云何為四。謂善分別自心現。(唐云。觀察自心所現故)觀外性非性。(唐云。善知外法無性故)離生住滅見。得自覺聖智善樂。(魏云。樂修內身證智故。○唐云。專求自證聖智故)是名菩薩摩訶薩成就四法。得修行者大方便。



△初釋善分別自心現
云何菩薩摩訶薩善分別自心現。謂如是觀三界唯心分齊。(唐云。謂觀三界唯是自心)離我所。無動搖。離去來。無始虛偽習氣所熏。三界種種色。行繫縛。(唐云。名言繫縛)身財建立。妄想隨入現。(唐云。身資所住。分別隨入之所顯現)是名菩薩摩訶薩善分別自心現。

疏

此即唯心識觀也




△二釋善觀外性非性

云何菩薩摩訶薩善觀外性非性。謂燄夢等一切性。(唐云。謂觀察一切法。如陽燄。如夢境。如毛輪)無始虛偽妄想習因。(唐云。無始戲論。種種執著虛妄惡習為其因故)觀一切性自性菩薩摩訶薩。作如是善觀外性非性。是名菩薩摩訶薩善觀外性非性。

疏


三界諸法。既唯心現



△三釋善離生住滅見

云何菩薩摩訶薩善離生住滅見。謂如幻夢一切性。自他俱性不生。(唐云。觀一切法。如幻夢生。自他及俱皆不生故。)(隨入自心分齊故。(唐云。隨自心量之所現故。)(見外性非性。(唐云。見外物無有故。)(見識不生。及緣不積聚。(唐云。見諸識不起故。及眾緣無積聚故。)(見妄想緣生於三界。(唐云。分別因緣起三界故。)(內外一切法不可得。見離自性。(唐云。如是觀時。若內若外一切諸法。皆不可得。知無實體)生見悉滅。知如幻等諸法自性。(唐云。遠離生見。證如幻性。)(得無生法忍。得無生法忍已。離生住滅見。是名菩薩摩訶薩善分別離生住滅見。

疏




○四釋得自覺聖智善樂。又二
 初正釋
 二轉釋

△初正釋

云何菩薩摩訶薩得自覺聖智善樂。謂得無生法忍。住第八菩薩地。得離心意意識五法自性二無我相。得意生身。

疏




△二轉釋

世尊。意生身者。何因緣。佛告大慧。意生身者。譬如意去。迅疾無礙。故名意生。譬如意去。石壁無礙。於彼異方無量由延。因先所見。憶念不忘。自心流注不絕。於身無障礙生。(唐云。譬如心意。於無量百千由旬之外。憶先所見種種諸物。念念相續。疾詣於彼。非是其身及山河石壁所能為礙。)大慧。如是意生身。得一時俱。菩薩摩訶薩意生身。如幻三昧力。自在神通。妙相莊嚴。聖種類身。

一時俱生。猶如意生。無有障礙。隨所意念本願境界。為成就眾生。得自覺聖智善樂。如是菩薩摩訶薩得無生法忍。住第八菩薩地。轉捨心意意識五法自性二無我相身。及得意生身。得自覺聖智善樂。


疏



△三結


是名菩薩摩訶薩成就四法。得修行者大方便。當如是學。

疏



——「二釋」竟——

——「第六修行大方便門」竟——



△初問

爾時大慧菩薩摩訶薩復請世尊。唯願為說一切諸法緣因之相。(二皆云因緣相。)以覺緣因相故。我及諸菩薩。離一切性有無妄見。無妄想見漸次俱生。(唐云。不妄執諸法漸生頓生。)

疏


前已具明心外無法

今但請問唯心之緣因相也

達此唯心正因緣相

則知一切諸法。非有非無

既非有無。則不墮漸生頓生之妄執矣



△初總標二名
佛告大慧。一切法二種緣相。謂外。及內。

疏

前已廣明一切唯心。心外無法

今云外緣及內緣者
非謂心外及心內也
只就唯心所現一切法中

約彼

凡情所共見聞。名之為外
凡情所不覺知。名之為內
耳

○二別釋二義二

初釋外緣
二釋內緣

△初釋外緣


外緣者。謂泥團柱輪繩水木人工諸方便緣。有瓶生。如泥餅。縷疊。草席。種芽。酪酥等。方便緣生。亦復如是。是名外緣前後轉生。



疏

泥團非瓶

而以柱輪繩水等緣

則有瓶生






△二釋內緣

云何內緣。謂無明愛業等法。得緣名。從彼生陰界入法。得緣所起名。彼無差別。而愚夫妄想。是名內緣法。

疏



從彼生
 入界陰
 法得緣所起名者。所謂
 識名色六入觸受。為所引五支
 生及老死。為所生二支也

彼無差別者
 如來藏第一義心

舉體而為惑業苦三。三皆無性
 當體即是如來藏心。心外無法也

而愚夫妄想者
 凡外則妄計從有種無種生
 聲聞則妄計因果實法。唯求捨離也

○二別明六因二
 初標
 二釋

△初標

大慧。彼因者有六種。謂當有因。相續因。相因。作因。顯示因。待因。

疏

彼因有六種者
 即指內外二緣之中
 分別能招果之因相
 有此六種差別。皆非心外法也

——「初總明二緣」竟——

△二釋

當有因者。作因已。內外法生（魏云。作因已。能生內外法。）

疏

作無明業因。能生未來識等生死果

譬如

植種於地

能生芽莖及穀麥也

此是現行熏種子義

相續因者。作攀緣已。內外法生陰種子等。

疏

由第八識

持種

受熏

令法種子相續不滅

譬如

地為穀種所依

漸次生長也

此是

種引種

及

種生現義

相因者。作無間相相續生（魏云。能生相續次第作事。而不斷絕。○唐云。作無間相。生相續果。）

疏

由諸境相

令能緣識相續生起

即所緣緣

及等無間緣

也

作因者。作增上事。如轉輪王（魏云。能作增上因。如轉輪王。○唐云。能作因者。謂作增上而生於果。如轉輪王。）

疏

由增上緣

能作生住成得等事

譬如轉輪王力
能令世間成辦諸事也

顯示因者。妄想事生已。相現作所作。如燈照色等（唐云。顯了因者。謂分別生。能顯境相。如燈照物。）

疏

此即

心王
心所
之見分

各為自相分境之增上緣也

待因者。滅時作相續斷。不妄想性生（魏云。相待因者。於滅時不見虛妄生法。相續事斷絕故。○唐云。觀待因者。謂滅時相續斷。無妄想生。）


疏

由前五因。能令自心虛妄法生

生則有滅。能令自心妄想斷絕

對生說滅。故名為待因也



——「初答緣因相」竟——



△初總破

大慧。彼自妄想相愚夫。不漸次生。不俱生（魏云。如是諸法。凡夫自心虛妄分別。大慧。是諸法非次第生。非一時生。○唐云。此是愚夫自所分別。非漸次生。亦非頓生。）


疏



△初破俱生

所以者何。若復俱生者。作所作無分別。不得因相故（魏云。若一切法一時生者。因果不可差別。以不見因果身相故。○唐云。若頓生者。則作與所作無有差別。求其因相不可得故。）


疏




△二破漸次生


若漸次生者。不得相我故。(唐云。求其體相。亦不可得)漸次生不生。如不生子。無父名(唐云。如未生子。云何名父。)

疏



大慧。漸次生相續方便不然。但妄想耳。因攀緣次第增上緣等生所生故。大慧。漸次生不生。妄想自性計著相故(魏云。愚痴凡夫。自心觀察次第相續不相應故。作如是言。因緣。次第緣。緣緣。增上緣等。能生諸法。大慧。如是次第諸法不生。○唐云。諸計度人言。以因緣所緣緣無間緣增上緣等。所生能生互相繫屬。次第生者。理不得成。皆是妄情執著相故。)






△三結破

漸次俱不生。自心現受用故。(魏云。自心中現身及資生故。○唐云。但有心現身資等故。○自相共相外性非性。(唐云。外自共相皆無性故。○大慧。漸次俱不生。除自心現不覺妄想故相生。(魏云。但虛妄識生。自心見故。○唐云。唯除識起自分別見。○是故因緣作事方便相。當離漸次俱見(魏云。汝當應離不正見因緣生事次第一時生法。○唐云。是故應離因緣所作和合相中。漸頓生見。)

疏




——「初長文」竟——


——「二別破」竟——

△二偈頌

爾時世尊。欲重宣此義而說偈言。一切都無生。亦無因緣滅。（魏云。因緣無不生。不生故不滅。）於彼生滅中。而起因緣想。（唐云。於彼諸緣中。分別生滅相。）非遮滅復生。相續因緣起。唯為斷凡愚。癡惑妄想緣。（唐云。非遮諸緣會。如是滅復生。但止於凡愚。妄情之所著。）有無緣起法。（唐云。緣中法有無）是悉無有生。習氣所迷轉。從是三有現。（唐作生有現）真實無生緣。（唐云。本來無有生）亦復無有滅。觀一切有為。（唐作有無）猶如虛空華。攝受及所攝。捨離惑亂見。（唐云。離能取所取。一切迷惑見。）非已生當生。（唐云。無能生所生）亦復無因緣。一切無所有。斯皆是言說（唐云。但隨世俗故。而說有生滅。）

疏






△初請問


爾時大慧菩薩摩訶薩復白佛言。世尊。惟願為說言說妄想相心經。(魏云。名分別言語相心法門。○唐云。言說分別相心法門。)世尊。我及餘菩薩摩訶薩。若善知言說妄想相心經。則能通達言說所說二種義。疾得阿耨多羅三藐三菩提。以言說所說二種趣。淨一切眾生。

疏



△二許說

佛告大慧。諦聽諦聽。善思念之。當為汝說。大慧白佛言。善哉世尊。唯然受教。



△初正明四種相

佛告大慧。有四種言說妄想（唐作分別）相。謂相言說。夢言說。過妄想計著言說。（魏云。妄執言說。○唐云。計著過惡言說）無始妄想言說。（魏云。無始言說。）相言說者。從自妄想色相計著生。（魏云。執著色等諸相而生。○唐云。執著自分別色相生）夢言說者。先所經境界。隨憶念生。從覺已境界無性生。（唐云。謂夢先所經境界。覺已憶念。依不實境生）過妄想計著言說者。先怨所作業。隨憶念生。（魏云。念本所聞所作業生。○唐云。憶念怨讐先所作業生。）無始妄想言說者。無始虛偽計著過自種習氣生。（魏云。從無始來執著戲論煩惱種子熏習而生。○唐云。以無始戲論妄執習氣生）是名四種言說妄想相。

疏

言說妄想雖多

以四種收之。無不盡也

○二明所現境界二

初辨言說生

二辨異不異

△初辨言說生

爾時大慧菩薩摩訶薩。復以此義勸請世尊。惟願更說言說妄想所現境界。世尊。何處。何故。云何。何因。眾生妄想言說生。（魏云。唯願為我重說四種虛妄執著言語之相。眾生言語。何處出。云何出。何因出。○唐云。願更為說言語分別所行之相。何處。何因。云何而起）佛告大慧。頭胸喉鼻舌脣斷齒和合。出音聲。

疏

何故即何因。故二譯止有三句也

頭胸喉等。是答其何處出

和合出。是答其云何出

不答何因者

易知故也

因唯妄想

△二辨異不異

大慧白佛言。世尊。言說妄想。為異為不異。佛告大慧。言說妄想。非異非不異。所以者何。謂彼因生相故。(魏云。因彼虛妄法相。生言語故。○唐云。分別為因。起言語故)大慧。若言說妄想異者。妄想不應是因。若不異者。語不顯義。而有顯示。(魏云。說彼言語。能了前境。)是故非異非不異。

疏

言說既因妄想。故須辨異不異也

若云異者

妄想不應為言說因
今既為言說因


故非異也

若不異者

言說不應顯示境義
今既能有顯示

故非不異也

——「二明所現境界」竟——





△初問

大慧復白佛言。世尊。為言說即是第一義。為所說者是第一義。

疏

因上文云語有顯示




△初長文

佛告大慧。非言說是第一義。亦非所說是第一義。

疏


言說但是「名句文身」。故非即第一義所說

唯於諸法共相而轉。不能親得法之自相



所以者何。謂第一義聖樂。言說所入是第一義。非言說是第一義。(唐云。第一義者。是聖樂處。因言而入。非即是言)第一義者。聖智自覺所得。(唐云。是聖智內自證境)非言說妄想覺境界。(唐云。非言語分別智境)是故言說妄想。不顯示第一義。言說者。生滅動搖。展轉因緣起。若展轉因緣起者。彼不顯示第一義。大慧。自他相無性故。言說相不顯示第一義。(唐云。第一義者。無自他相。言語有相。不能顯示。)復次大慧。隨入自心現量故。種種相外性非性。(唐云。第一義者。但唯自心。種種外性。悉皆無有。)言說妄想。不顯示第一義。是故大慧。當離言說諸妄想相。

疏



唯是隨順證入自心現量

則心外無法

言說即非言說

所說即非所說

如賢盡時

無花可滅

故名離耳

△二偈頌

爾時世尊。欲重宣此義而說偈言。諸性（唐作諸法）無自性。亦復無言說。甚深空空義。愚夫不能了。（魏云。空及與不空。凡夫不能知。○唐云。不見空空義。愚夫故流轉）一切性自性。言說法如影。（唐云。一切法無性。離言語分別。諸有如夢化。非生死涅槃。又有偈云。如王及長者。為令諸子喜。先示相似物。後示真實者。我今亦復然。先說相似法。○魏亦有）自覺聖智子。實際我所說。（唐云。後乃為其演。自證實際法。○魏云。為諸佛子喜。後說明實際。）

疏

甚深空空義者

既空生死。亦空涅槃

二邊俱空。即是中道不空正體

所以

凡外二乘

皆名為愚

不能了達此實際也

非真佛子

何能因言證入

不滯言說及所說哉

——「第八言說妄想門」竟——

——「初長文」竟——

○第九離四句門三

初請問
二許宣
三正說

△初請問

爾時大慧菩薩摩訶薩復白佛言。世尊。惟願為說離一異俱不俱有無非有非無常無常。一切外道所不行。自覺聖智所行。離妄想自相共相。入於第一真實之義。諸地相續。漸次上上增進清淨之相。隨入如來地相。無開發本願。譬如眾色摩尼境界無邊相行。(唐云。以無功用本願力故。如如意寶。普現一切無邊境界)自心現趣部分之相一切諸法。(唐云。一切諸法。皆是自心所見差別)我及餘菩薩摩訶薩。離如是等妄想自性自共相見。疾得阿耨多羅三藐三菩提。令一切眾生。一切安樂。具足充滿。

疏

言四句者

謂不達自心現量。心外無法
妄想分別諸法各有自相共相

或言定一。或言定異。或言亦一亦異。名之為俱。或言非一非異。名為不俱。此是一種四句

又或言有。或言無。或言亦有亦無。或言非有非無。復是一種四句

又或言常。或言無常。或言亦常亦無常。或言非常非無常。復是一種四句也

若離此種種四句

則一切外道所不行
惟是自覺聖智所行
以了達心外無法
實無自相共相可得


「故得入於第一真實之義」

從歡喜地。至如來地

自覺已圓。能以本願覺他無盡也

△二許宣

佛告大慧。善哉善哉。汝能問我如是之義。多所安樂。多所饒益。哀愍一切諸天世人。佛告大慧。諦聽諦聽。善思念之。吾當為汝分別解說。大慧白佛言。善哉世尊。唯然受教。



△初總明邪計所起


佛告大慧。不知心量愚痴凡夫。取內外性。依於一異俱不俱有無非有非無常無常。自性習因計著妄想（魏云。愚痴凡夫。不能覺知唯自心見。執著外諸種種法相以為實有。是故虛妄分別一異俱不俱有無非有非無常無常。因自心熏習。依虛妄分別心故。○唐云。凡夫無智。不知心量。妄習為因。執著外物。分別一異俱不俱有無非有無常無常等一切自性。）

疏

此總明凡外邪計

由於不達唯心也

○二別說十二譬喻。又分為二



△初有七譬。譬凡外妄計
譬如羣鹿。為渴所逼。見春時燄。（魏作熱陽燄。唐作熱時燄）而作水想。迷亂馳趣。不知非水。如是愚夫。無始虛偽妄想所熏習。三毒燒心。樂色境界。見生住滅。取內外性。墮於一異俱不俱有無非有非無常無常想。妄見攝受。

疏

初羣鹿逐燄譬

譬三毒取境而起邪計也

如乾闥婆城。凡愚無智而起城想。無始習氣計著相現。彼非有城。非無城。（唐云。非城。非非城。無智之人。無始時來執著城種妄習熏故。而作城想）如是外道無始虛偽習氣計著。依於一異俱不俱有無非有非無常無常見。不能了知自心現量。

疏

二計著乾城譬。譬妄習取不實境也

海氣所現

不可登臨。故非有城

令起城想。故非無城

譬如有人。夢見男女象馬車步城邑園林山河浴池種種莊嚴。自身入中。覺已憶念。大慧。於意云何。如是士夫。於前所夢憶念不捨。為點慧不。大慧白佛言。不也。世尊。佛告大慧。如是凡夫。惡見所噬。外道智慧。不知如夢自心現性。依於一異俱不俱有無非有非無常無常見。

疏


三追憶夢境譬

譬不達依正皆唯心也

譬如畫像。不高不下。而彼凡愚。作高下想。如是未來外道惡見習氣充滿。依於一異俱不俱有無非有非無常無常見。自壞壞他。餘(唐作於)離有無無生之論。亦說言無。謗因果見。拔善根本。壞清淨因。勝求者當遠離去。(唐云。欲求勝法。當速遠離)作如是說。彼墮自他俱見有無妄想已。墮建立誹謗。以是惡見。當墮地獄。

疏


四畫像有無譬。譬斷常邪見也



譬如瞽目。見有垂髮。(二作毛輪)謂眾人言。汝等觀此。(魏云。為他說言。如是如是青黃赤白。汝何不觀)而是垂髮。畢竟非性。非無性。見不見故。如是外道妄見希望。依於一異俱不俱有無非有非無常無常見。誹謗正法。自陷陷他。

疏


五瞽見垂髮譬。譬邪執不達性空也



譬如火輪。非輪。愚夫輪想。非有智者。如是外道惡見希望。依於一異俱不俱有無非有非無常無常想。一切性生。


疏

六火輪非輪譬。譬相似相續法中



譬如水泡。似摩尼珠。(二皆作玻璃珠)愚小無智。作摩尼想。計著追逐。而彼水泡。非摩尼。非非摩尼。取不取故。如是外道惡見妄想習氣所熏。於無所有說有生。(魏云。說非有法依因緣生。○唐云。說非有為生)緣有者言滅(魏云。復有說言。實有法滅。○唐云。壞於緣有。)

疏




——「初有七譬。譬凡外妄計」竟——

○二有五譬。譬依佛法起計。又二
 初正顯俗諦是隨情說
 二以五譬譬其非實
 初又二
 初斥世間因明不應攝取
 二顯隨情俗諦是化佛說

△初斥世間因明不應攝取
 復次大慧。有三種量。五分論。各建立已。(魏云。彼諸外道建立三種量五分論)得聖智自覺。離二自性事。而作有性妄想計著。(唐云。立三種量已。於聖智內證離二自性法。起有性分別。)大慧。心意意識身心轉變。自心現攝所攝諸妄想斷。如來地自覺聖智修行者。不於彼作性非性想。(唐云。諸修行者。轉心意識。離能所取。住如來地。自證聖法。於有及無。不起於想。)若復修行者如是境界性非性攝取想生者。彼即取長養。及取我人(唐云。若於境界起有無執。則著我人眾生壽者。)

疏



△二顯隨情俗諦是化佛說
 大慧。若說彼性自性自共相。一切皆是化佛所說。非法佛說。又諸言說。悉由愚夫希望見生。不為別建立趣自性法。得聖智自覺三昧樂住者分別顯示(唐云。一切諸法自相共相。是化佛說。非法佛說。化佛說法。但順愚夫所起之見。不為顯示自證聖智三昧樂境。)

疏

諸「阿含經」。亦說諸法
 自相
 共相

以破愚夫虛妄我執
 蓋彼既不能達唯心境界
 故亦不能即於化身而見法身也法

——「初正顯俗諦是隨情說」竟——

△二以五譬譬其非實
 譬如水中。有樹影現。彼非影。非非影。非樹形。非非樹形。如是外道見習所熏。妄想計著。依於一異俱不俱有無非有非無常無常想。而不能知自心現量。


疏

自心如水。諸法如影
 水外無影。故非影
 水中顯現。故非非影
 撈不可得。故非樹形
 宛然是樹。故非非樹形
 當知自心現量
 本非有無
 不應計著也

譬如明鏡。隨緣顯現一切色像。而無妄想。(唐云。譬如明鏡。無有分別。隨順眾緣。現諸色像)彼非像。非非像。而見像非像。(魏云。有緣得見。無緣不見故)妄想愚夫而作像想。(魏云。自心分別。見像有無)如是外道惡見。自心像現。妄想計著。依於一異俱不俱有無非有非無常無常見。

疏


自心如鏡。諸法如像



譬如風水。和合出聲。彼非性。非非性。(魏云。譬如諸響。因入山河水風空屋和合而聞。彼所聞響。非有非無。何以故。因聲聞聲故。○唐云。譬如谷響。依於風水人等音聲和合而起。彼非有非無。以聞聲非聲故)如是外道惡見妄想。依於一異俱不俱有無非有非無常無常見。

疏

諸法如響。緣生無實



譬如大地無草木處。熱燄川流。洪浪雲湧。(唐云。日光照觸。燄水波動)彼非性。非非性。貪無貪故。(唐云。彼非有非無。以倒想非想故)如是愚夫。無始虛偽習氣所熏。妄想計著。依生住滅一異俱不俱有無非有非無常無常。緣自住事門。(唐云。無始戲論惡習所熏。於聖智自證法性門中。見生住滅一異有無俱不俱性)亦復如彼熱燄波浪。

疏

光燄本非波浪

無貪倒者。知其非性
有貪倒者。則非非性

愚夫於法性中

亦猶是也

妄見生住滅等

譬如有人。咒術機發。以非眾生數。毗舍闍鬼方便合成。動搖云為。(魏云。譬如有人。依咒術力。起於死屍。機關木人無眾生體。依毘舍闍力。依巧師力。作去來事。○唐云。譬如木人及以起屍。以毘舍闍機關力故。動搖運轉。云為不絕)凡愚妄想。計著往來。如是外道惡見希望。依於一異俱不俱有無非有非無常無常見。戲論計著。不實建立。

疏

死屍木人

名為非眾生數

皆無執受

毘舍闍

此云噉精氣鬼

又云顛鬼

機關以運木人。則木人動搖云為

識情執著四大六根。則四大六根妄有動搖云為

顛鬼以合死屍。則死屍動搖云為

當知本與木人死屍無異。不應妄計有眾生也

——「二別說十二譬喻」竟——

△三結勸應離

大慧。是故欲得自覺聖智事。當離生住滅一異俱不俱有無非有非無常無常等惡見妄想。

——「初長文」竟——

△二偈頌

爾時世尊。欲重宣此義而說偈言。幻夢水樹影。垂髮熱時燄。如是觀三有。究竟得解脫。（唐云。諸識蘊有五。猶如水樹形。所見如幻夢。不應妄分別。三有如陽燄。幻夢及毛輪。若能如是觀。究竟得解脫）譬如渴鹿想。（唐作熱時燄）動轉迷亂心。鹿想謂為水。而實無水事。如是識種子。動轉見境界。愚夫妄想生。如為翳所翳。（唐云。如翳者所見。愚夫生執著）於無始生死。計著攝受性。（唐云。無始生死中。執著所纏覆）如逆楔出楔。捨離貪攝受。（唐云。退捨令出離。如因楯出楯）如幻咒機發。浮雲夢電光。觀是得解脫。永斷三相續。於彼無有作。猶如燄虛空。（唐云。此中無所有。如空中陽燄）如是知諸法。則為無所知。言教唯假名。彼亦無有相。於彼起妄想。陰行如垂髮。（唐云。諸蘊如毛輪。於中妄分別。唯假施設名。求相不可得）如畫垂髮幻。夢乾闥婆城。火輪熱時燄。無而現眾生。（唐云。實無而見有）常無常一異。俱不俱亦然。無始過相續。愚夫癡妄想。明鏡水淨眼。摩尼妙寶珠。於中現眾色。而實無所有。一切性顯現。如畫熱時燄。種種眾色現。如夢無所有（唐云。心識亦如是。普現眾色相。如夢空中燄。亦如石女兒。）

疏

初四句。唐作八句。先頌遠離觀也

次十句。頌愚夫計著如渴鹿也

次如逆楔等十句。重頌對治觀也

次言教等十二句。重頌愚夫計著之非也


後明鏡等八句。結顯諸法有即非有也

——「初破外計」竟——

△二申正法

復次大慧。如來說法。離如是四句。謂一異俱不俱有無非有非無常無常。離於有無建立誹謗分別。

疏



結集真諦緣起道滅。解脫。如來說法。以是為首。(唐云。諸佛說法。以諦緣起滅道解脫而為其首)非性。非自在。非無因。非微塵。非時。非自性相續而為說法(唐云。非與勝性自在宿作自然時微塵等而共相應。)

真諦。謂苦集滅道四聖諦也
緣起。諸十二因緣也
道滅者。四諦所歸重也
解脫者。十二因緣還滅門也

四諦則有

生滅
無生
無量
無作

之不同。而意顯出世道滅

因緣亦有

思議
不思議
生滅
不生滅

之不同。而意顯還滅解脫

然

世出世間因果。皆不離心
流轉還滅。亦不離心

故非外道勝性等妄計也

無因。即唐譯自然

自性相續。即唐譯宿作


「阿含」破外道宿作因論。謂現見有人

作善即得善報
為惡即得惡報

何得一向但委於宿作耶。餘如他處廣破

復次大慧。為淨煩惱爾微障故。譬如商主。次第建立百八句無所有。善分別諸乘及諸地相（唐云。諸佛說法。為淨惑智二種障故。次第令住一百八句無相法中。而善分別諸乘地相。猶如商主。善導眾人。）

疏



——「第九離四句門」竟——


○第十明四種禪門二



△初總標

復次大慧。有四種禪。云何為四。謂愚夫所行禪。觀察義禪。攀緣如禪。（魏云。念真如禪。○唐云。攀緣真如禪）如來禪。


疏



△二別釋

云何愚夫所行禪。謂聲聞緣覺外道修行者。（唐無外道二字）觀人無我性。自相共相骨鎖無常苦不淨相。（唐云知人無我。見自他身骨鎖相連。皆是無常苦不淨相。）計著為首。如是相不異。觀前後轉進。相不除滅。（唐云。如是觀察。堅著不捨。漸次增勝。至無想滅定。○魏云。次第上上。乃至非想滅盡定解脫）是名愚夫所行禪。


疏



云何觀察義禪。謂人無我自相共相。外道自他俱無性已。觀法無我。彼地相義。漸次增進。（唐云。謂知自共相人無我已。亦離外道自他俱作。於法無我諸地相義。隨順觀察）是名觀察義禪。


疏

知人無我。及離外道自他俱作



云何攀緣如禪。謂妄想二無我妄想。如實處不生妄想。(唐云。謂若分別無我有二。是虛妄念。若如實知。彼念不起)是名攀緣如禪。

疏



云何如來禪。謂入如來地。得自覺聖智相三種樂住。(魏云。入內身聖智相三空三種樂行故)成辦眾生不思議事。是名如來禪。

疏

魏云三空者。即圓融三解脫門也

生死涅槃

二邊中道

不可得故。名空解脫門

此空離一切相。名無相解脫門

此無相者。即是實相

名無作解脫門

無有作者。無可願求

亦名無願解脫門

入此不思議三脫門已

親證三德祕藏之樂

自利利他。法皆具足

此圓教發心住已上境界也

別教證道同圓。應亦得此

而教道別故。姑未許之

又如來禪

須辦六即

則六根五品亦得此名也

如古人云且喜師兄會如來禪

祖師禪未夢見在

則祖師禪應更勝於如來禪耶

問曰

乘言者喪

滯句者迷

汝欲以古人

一時應機之談

何異刻舟求劍

作實法會

恐香巖大笑汝在

答曰

「初長文」竟


△二偈頌

爾時世尊。欲重宣此義而說偈言。凡夫所行禪。觀察相義禪。攀緣如實禪。如來清淨禪。譬如日月形。鉢頭摩深險。如虛空火盡。修行者觀察。(唐云。修行者在定。觀見日月形。波頭摩深險。虛空火及盡)如是種種相。外道道通禪。(唐云。墮於外道法)亦復墮聲聞。及緣覺境界。

疏

此先頌總標。及頌愚夫禪之相也


鉢頭摩。此翻紅蓮華




疏

捨離彼一切。則是無所有。(唐云。捨離此一切。住於無所緣)一切剎諸佛。以不思議手。一時摩其頂。隨順入如相(唐云。是則能隨入。如如真實相。十方諸國土。所有無量佛。悉引光明手。而摩是人頂。)

此頌後三種禪相也





——「第十明四種禪門」竟——



△初問

爾時大慧菩薩摩訶薩復白佛言。世尊。般涅槃者。說何等法。謂為涅槃。

疏



△初正明大涅槃義

佛告大慧。一切自性(唐作一切識自性)習氣(及)藏意意識見習轉變。名為涅槃。諸佛及我涅槃。自性

空事境界。(唐云。我及諸佛說名涅槃。即是諸法性空境界)復次大慧。涅槃者。聖智自覺境界。離斷常妄想性非性。(唐云。自證聖智所行境界。遠離斷常及以有無)云何非常。謂自相共相妄想斷。故非常。云何非斷。謂一切聖去來現在得自覺故非斷。大慧。涅槃不壞不死。若涅槃死者。復應受生相續。若壞者。應墮有為相。是故涅槃離壞離死。是故修行者之所歸依。復次大慧。涅槃非捨非得。非斷非常。非一義。非種種義。是名涅槃。

疏

一切識自性習氣者。即有支習氣也
藏意識見習者。即名言習氣我執習氣也
轉變者。由無漏智熏。令彼妄習無寄也

自性空事境界者

諸法無性
當體即是真空實相也

此諸法性空境界

唯是聖智自覺所行


故非斷常及有無也

非斷非常。經文自釋可知

言非有非無者

死。壞。則無
受生相續。墮有為相。則有

今離壞離死。故非有無也



○二兼示二乘及外道相二


初示二乘涅槃

二示外道計著

△初示二乘涅槃


復次大慧。聲聞緣覺涅槃者。覺自相共相。不習近境界。不顛倒見。妄想不生。彼等於彼作涅槃覺。

疏



△二示外道計著
 復次大慧。二種自性相。云何為二。謂言說自性相計著。事自性相計著。言說自性相計著者。從無始言說虛偽習氣計著生。事自性相計著者。從不覺自心現分齊生。

疏




○三明如來神力建立菩薩二



△初總標二力

復次大慧。如來以二種神力建立。(唐云。諸佛有二種加持)菩薩摩訶薩頂禮諸佛。聽受問義。云何二種神力建立。謂三昧正受。(唐云。謂令入三昧)為現一切身面言說神力。及手灌頂神力。

疏



——「二兼示二乘及外道相」竟——

○二別釋二力。又二
 初約初地
 二約十地

△初約初地

大慧。菩薩摩訶薩初菩薩地。住佛神力。所謂入菩薩大乘照明（二作光明）三昧。入是三昧已。十方世界一切諸佛。以神通力。為現一切身面言說。如金剛藏菩薩摩訶薩。及餘如是相功德成就菩薩摩訶薩。（唐云。及餘成就如是功德相菩薩者是）大慧。是名初菩薩地。

疏

此二神力

具如「華嚴」十地品初廣明

△二約十地

菩薩摩訶薩。得菩薩三昧正受神力。於百千劫積習善根之所成就。次第諸地對治所治相。通達究竟。至法雲地。（唐云。此菩薩蒙佛持力。入三昧已。於百千劫。集諸善根。漸入諸地。善能通達治所治相。至法雲地）住大蓮華微妙宮殿。坐大蓮華寶師子座。同類菩薩摩訶薩眷屬圍繞。眾寶瓔珞莊嚴其身。如黃金薔薇日月光明。（唐云。身如黃金薔薇花色。如盛滿月。放大光明）諸最勝手從十方來。（唐云。十方諸佛舒蓮花手）就大蓮花宮殿座上而灌其頂。譬如自在轉輪聖王。及天帝釋太子灌頂。是名菩薩手灌頂神力。

疏

此二神力。亦如「華嚴」第十地中廣明


薔薇。此翻黃花。餘可知

——「二別釋二力」竟——

△三結歎二力

大慧。是名菩薩摩訶薩二種神力。若菩薩摩訶薩住二種神力。面見諸佛如來。若不如是。則不能見。復次大慧。菩薩摩訶薩凡所分別三昧神足諸法之行。是等一切。悉住如來二種神力。大慧。若菩薩摩訶薩離佛神力。能辯說者。一切凡夫。亦應能說。所以者何。謂不住神力故。大慧。山石樹木及諸樂器城郭宮殿。以如來入城威神力故。皆自然出音樂之聲。何況有心者。聾盲瘖瘂無量眾苦。皆得解脫。如來有如是等無量神力。利安眾生。

疏



△二問答釋意

大慧菩薩復白佛言。世尊。以何因緣。如來應供等正覺。(於)菩薩摩訶薩住三昧正受時。及勝進地灌頂時。加其神力。佛告大慧。為離魔業煩惱故。及不墮聲聞地禪故。為得如來自覺地故。及增進所得法故。是故如來應供等正覺。咸以神力建立諸菩薩摩訶薩。若不以神力建立者。則墮外道惡見妄想。及諸聲聞眾魔希望。不得阿耨多羅三藐三菩提。以是故諸佛如來咸以神力。攝受諸菩薩摩訶薩。爾時世尊。欲重宣此義而說偈言。神力人中尊。大願悉清淨。(唐云。世尊清淨願。有大加持力。)三摩提

——「初正明神力」竟——

灌頂。初地及十地。（唐云。初地十地中。三昧及灌頂。）

疏

意顯神力加持

令離二乘涅槃外道計著

令證大涅槃聖智自覺境界故也

——「第十一一般涅槃門」竟——


○第十二緣起門二

初難問

二答釋

△初難問


爾時大慧菩薩摩訶薩復白佛言。世尊。佛說緣起。即是說因緣。不自說道。（魏云。如世尊說十二因緣。從因生果。不說自心妄想分別見力而生。○唐云。佛說緣起是由作起。非自體起）世尊。外道亦說因緣。謂勝。自在。時。微塵生。如是諸性生。（唐云。外道亦說勝性。自在。時。我。微塵。生於諸法）然世尊所謂因緣生諸性言說。有間悉檀。（唐云。今佛世尊。但以異名說作緣起）無間悉檀。（唐云。非義有別。）世尊。外道亦說有無有生。（魏云外道亦說從於有無而生諸法。○唐云。外道亦說以作者故。從無生有）世尊亦說無有生。生已滅。（魏云。世尊說言。諸法本無。依因緣生。生已還滅）如世尊所說。無明緣行乃至老死。此是世尊無因說。非有因說。（唐云。此說無因。非說有因）世尊建立作如是說。此有故彼有。非建立漸生。觀外道說勝。非如來也。所以者何。世尊。外道說因不從緣生。而有所生。世尊說觀因有事。觀事有因。（唐云。世尊所說。果待於因。因復待因）如是因緣雜亂。如是展轉無窮（唐云。如是展轉。成無窮過。又此有故彼有者。則無有因。）



○二答釋二
 初正釋因緣無過
 二轉破言說無性

△初正釋因緣無過
 佛告大慧。我非無因說。及因緣雜亂說。此有故彼有者。攝所攝非性。覺自心現量（唐云。我了諸法唯心所現。無能取所取。說此有故彼有。非是無因及因緣過失。）

疏



大慧。若攝所攝計著。不覺自心現量。外境界性非性。彼有如是過。非我說緣起。(唐云。若不了諸法唯心所現。計有能取及以所取。執著外境若有若無。彼有是過。非我所說)我常說言。因緣和合而生諸法。非無因生。

疏

此明不達唯心。乃有諸過

達唯心者

祇約一心而論因緣

既非邪因。亦非無因也

——「初正釋因緣無過」竟——

○二轉破言說無性二

初疑問

二答釋

△初疑問

大慧復白佛言。世尊。非言說有性。有一切性耶。(魏云。有言說應有諸法。○唐云。有言說故。必有諸法。)世尊。若無性者。言說不生。是故言說有性有一切性。(唐云。若無諸法。言依何起。)

疏

佛明諸法

唯心所現

心外無法

故疑若無諸法。不應起諸言說也

△二答釋

佛告大慧。無性而作言說。謂兔角龜毛等。世間現言說。大慧。非性。非非性。(唐云。彼非有。非非有)但言說耳。如汝所說。言說有性有一切性者。汝論則壞。(魏云。汝言以有言說。應有諸法者。此義已破)大慧。非一切剎土(皆)有言說。言說者。是作耳。(唐云。假安立耳。)或有剎土。瞻視顯法。或有作相。(唐云。或現異相)或有揚眉。或有動睛。或笑或欠。(唐云。嚬呻。)或瞽欬。或念剎土。或動搖。大慧。如瞻視(魏云。無瞬。○唐云。不瞬。)及香積(魏云。眾香。○唐云。妙香)世界。普賢如來國土。但以瞻視。令諸菩薩得無生法忍。及諸勝三昧。是故非言說有性有一切性。(唐云。非由言說而有諸法。)大慧。見此世界蚊蚋蟲蟻。是等眾生無有言說。而各辦事。爾時世尊。欲重宣此義而說偈言。如虛空兔角。及與槃大子。(二皆作石女兒)無而有言說。如是性妄想。因緣和合法。凡愚起妄想。(唐云。妄計法如是。因緣和合中。愚夫妄謂生)不能如實知。輪迴三有宅。

疏

